

Dal'ultima sentada dl Consèi de Cùra

Do na picera devoziun èl gnü traté le tema dl ann „stil de vita cristian“ y an se fej pinsiars sòn aziuns concretes.

Al vègn informé: che 3 porsones á fat le curs por cantores che i responsabli dl grup di ministranc s'abina cun i geniturs (20/11) che la marèna di seniores vègn organisada ai 10 de dezèmber.

La maestra Michi vègn delegada y periada de arjigné ca i mituns dla Pröma Comuniun.

Por l'Advènt èl i jogn che arjigna les gherlandes.

La Schira Jonila soratól l'aziun di Trèi Resc.

La funziun penitenziala vègn tignida ai 21 de dezèmber.

Deache la Vöia de Nadé toma sòn na domènia, gnará les Maduvines di mituns bele tignides pro le Rorate ai 19 de dezèmber.

ADVÈNT

la proscima domènia, ai 3 de dezèmber – prüma de Advènt – sonará dales 19:00 les ciampans por invié duc ala **Oraziun d' Advènt** te familia.

La proscima sabeda y domènia, do les mësses, sarál i jogn che vèn **gherlandes de Advènt**.

Jodapé de dlijia ciafèise calèndri che ves condüje fora por l'Advènt.

Conzert: le cor Kérygma invieia duc a so conzert en domènia, ai 3 de dezèmber dales 17:00 te dlijia de Badia.

Oferta: dèr bel giulan dl'offerta de 1248,46 € che vá ala Caritas.


Marcé da Nadé d'La Spona: duc é invia al Marcé da Nadé ai 3 de dezèmber dales 10:00 ales 17:00.

Conzert de S. Zezilia dl cor de dlijia y musiga d' La Plì de Mareo en domènia, ai 26.11.2017 dales 15.00 te Ciasa dles Uniuns d'La Plì.

Referat de Tobia Lezuo sura so volontariat tl Perú en vèndres, ai 1. de dezèmber, dales 19.30 tl Pice Salf a La Val.

Festa te Ciasa de Palsa ai 2 de dezèmber dales 15:30 te capela dla Ciasa a S. Martin: inviun duc i voluntars dla Ciasa de Palsa, dotes les uniuns che á fat val sorvisc volantar ia por l'ann y chi che foss interessá a fá n sorvisc, a na S. Mèssa de ringraziament cun n pice renfrèsch.

Implö sarál na **incuntada por i parènc di ghesc** dla Ciasa de Palsa y duc i interessá, en mercui, ai 29.11.2017, dales 16:00 te Ciasa de Palsa.



Plata dla Ploania Badia

San Iaco - San Linert

Ploan: **Siur Iaco Wendelin Willeit**
Colonia Badia: **0471/839571**
E-Mail: **parrocchiabadia@libero.it**
Radio dla Ploania: **91,10 Mhz**


UNITÉ PASTORALA



www.unitepastorala.org

Ann „A“ 26.11. - 03.12.2017 Festa de Crist Re n. 53

Seit
Christus
ist die
Krönung
des Leidens



nicht mehr
der Tod,
sondern
ewiges
Leben.

Conclujiun dl Ann Liturgich „A“

Vangele dla proscima domènia - 1ª d'Advènt dl Ann „B“ Mc 13,33-37

Metede averda, y stede muntri! Deach'i ne savèis nia, canche le tèmp é chiló. Ara é sciöche cun n èl che á lascé süa ciasa, por se mëte söl iade:

Al ti á surandé dōta la responsabilité a sü fanc, a vignun so laur; le portier ál comané de sté munter. Porchèl stede muntri! Deache i ne savèis nia, canche le patrun de ciasa vègn indō, sce da sèra o da mesanöt, sce dal cianté dl ial o da doman. Al ne dess nia, canch'al vègn te n iade, ves urté tla sonn.

Ci ch'i diji a os, chël diji a duc: Stede muntri!

FUNZIUNS SACRES


- 26.11. **Festa de CRIST RE – Festa de S. Zezilia**
 10.00 Mëssa ciantada por la Comunità
 15.00 Zelebrazion dl Bato
16.30 Prozesciun cun ciandëres a Oies
17.00 a Oies: Funziun cun le Vësko
- 27.11. Lünesc
 14.00 Mëssa de sopoltüra dl defunt Sepl Tavella
- 28.11. Mertesc
 19.30 †ta Ida Dariz
 †to siur Heinrich Videsott / por les animes dl purgatore
- 29.11. Mercui - *Mëssa cun i scolars dla elementara*
 07.30 †ta Candida Castlunger
 †to Hermann Irsara dl Gran Ander
 vis y †ti dla familia dl Gran Ander
- 30.11. Jöbia - *Mëssa cun i studënc dla scora mesana y scores altes*
 19.30 †to Romedio Irsara
 †to Paul Irsara da Coz
 vis y †ti de Franz Thaler
- 01.12. Vëndres - **Prüm vëndres dl mëis**
 07.30 †ta Maria Rungg
 †to Paul Frenademetz / por les animes dl purgatore
- 02.12. Sabeda
 16.00 Mëssa a Oies
19.30 RORATE por la Uniun di Stüdafüch (cianta i Kyrios)
 †to Giovanni Pescoller – aniversar
 †ti Marianna y Giarone Vittur / †to Siegfried Winkler
 †to Lorenzo Guarini
- 03.12. **1^a DOMËNIA de ADVËNT - Ann B / Festa di Ministranc**
 09.30 *Corona por le defunt Sepl Tavella*
 10.00 Mëssa por la Comunità
19.30 RORATE Consëi Cüra y benefaturs – Grup oraziun Oies
 (cianta le cor Philia)
 †ti Giustina y Mariangel Clement
 †to Otto Clement
 †ti Teresa, Sepl, Cherubina y atri fredesc Rottonara

Dala VITA dla CÜRA

Vijita Pastorala dl Vësko Ivo Muser



Chësta domënia, ai 26 de novëmber dales 17:00 stlujö dla vijita pastorala cun funziun sö Oies. Prozesciun cun les ciandëres dales 16:30 da Badia demez (a S. Linert ne sarál degüna mëssa da sëra).



Chësta domënia, ai 26.11.2017, ciafa le Sacramënt dl BATO le müt **Loris** de Armin Moling y Sarah Pizzinini. Al pice che tolun sö cun ligrëza te nosta comunité y a sü geniturs les mius audanzas.



Tolun pert al dolur di familiars dl defunt Sepl Tavella che t'eté de 78 agn é gnü cherdé dal Signur. Che al paises tla pesc eterna.

Comuniun ai amará: siur Degan jará en vëndres, ai 1 de dezëmber dales 09:30 inant a proverer.

Grup "Umes präia deboriada" se abina en mercui, ai 29 de novëmber dales 20:00 (chësc iade ta calonia) por l'oraziun. Toleda pert.

Legio Mariae: duc é inviá a n'ora de oraziun en jöbia, ai 30 de novëmber dales 14:00, chësc iade, te calonia.

Festa di ministranc: ala sará la proscima domënia, ai 3 de dezëmber a chëla che duc é inviá. Al gnará partí fora ince i diploms.

N gran giulan por le bel cianté y soné te dljia

Al é festa de Santa Zezilia; ci foss pa nostes festes de dljia zënza le bel cianté y soné; porchël a duc chi che cianta tl cor de dljia y i atri cors y a chi che sona l'orghe y strumënc y dëida tles uniuns n gran bel giulan y prëitambel inant.

Al é ince bel sce la popolaziun tol le liber y cianta; chësc fej sintí na comunité via che desmostra fede y ligrëza.

siur degan